

02-50-6

BOSNA I HERCEGOVINA  
CENTRALNA IZBORNA KOMISIJA  
SREDIŠNJE IZBORNO POVJERENSTVO



БОСНА И ХЕРЦЕГОВИНА  
ЦЕНТРАЛНА ИЗБОРНА КОМИСИЈА  
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ  
SARAJEVO

Broj: 05-1-02-4-476/14  
Sarajevo, 21.05.2014. godine

PRIMLJENO: 28.05.2014			
Organizaciona jedinica	Klasifikaciona oznaka	Redni broj	Broj priloga
02-50-6		16-3	1/19

**BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
DOM NARODA**

**PREDMET:** Odgovor

**VEZA:** Vaš akt broj: 02-50-6-16-37/14 od 06.05.2014. godine

Poštovani,

U vezi delegatskog pitanja **Genjac Halida**, delegata u **Domu naroda Parlamentarne skupštine Bosne i Hercegovine** postavljenog na 37. sjednici Doma naroda Parlamentarne skupštine Bosne i Hercegovine održanoj 29.04.2014. godine, o tome „*koji su razlozi da je Centralna izborna komisija Bosne i Hercegovine odustala od traženog i na besplatno korištenje dobijenog prostora u bivšoj kasarni „Safet Zajko“ za potrebe Glavnog centra za brojanje i skladištenje izbornog materijala, zbog čega je Centralna izborna komisija Bosne i Hercegovine za tu namjenu odabrala prostor koji ne ispunjava uslove tendera, a istovremeno će se morati plaćati naknada za isti, da li je tačno da je Centralna izborna komisija Bosne i Hercegovine odabrala prostor koji je u tenderskoj dokumentaciji prijavljen na adresi na kojoj ne postoji, te da li je Centralna izborna komisija Bosne i Hercegovine pripremila i objavila tender za štampanje glasačkih listića*“, u skladu sa članom 155. stav 3. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 33/06, 41/06, 91/06, 91/07 i 32/12), dajemo slijedeći:

**ODGOVOR**

Centralna izborna komisija Bosne i Hercegovine je, u skladu sa Zaključkom broj: 07-2-16-3-63-1/14 od 16.01.2014. godine, uputila javni poziv za dostavljanje ponuda za iznajmljivanje poslovnog prostora skladišnog tipa za njene potrebe, primjenjujući odredbe Zakona o obligacionim odnosima i Zakona o zakupu poslovnih zgrada i prostorija, a koji je objavljen u tri dnevna lista dana 20.01.2014. godine.

Dana 29.01.2014. godine Komisija za izbor najpovoljnije ponude za zakup poslovnog prostora je izvršila javno otvaranje ponuda prispjelih po osnovu naprijed navedenog javnog poziva koje su primljene do 29.01.2014. godine. Ukupno 2 (dva) ponuđača su dostavila svoje ponude na objavljeni poziv i to: PKB-Sarajevo d.d. i Inex d.o.o. Istočno Sarajevo.

Centralna izborna komisija Bosne i Hercegovine je nakon ocjenjivanja ponuda za zakup poslovnog prostora skladišnog tipa, odlukom od 14.04.2014. godine ugovor dodjela ponuđaču »INEX« d.o.o. Istočno Sarajevo. Netačni su navodi da je navedeni poslovni

prostor skladišnog tipa nepostojeći na prijavljenoj adresi, obzirom da se odabrani prostor nalazi na adresi: ul.Kasindolskog bataljona br.14, Istočna Ilidža.

Ugovor je dodjeljen navedenom ponuđaču iz razloga što je dostavio povoljniju ponudu (cijeneći ponuđenu cijenu zakupa i uslovnost prostora) te zadovoljio i druge kriterije navedene u pozivu, u odnosu na ponudu drugog ponuđača.

Također, ističemo da su predstavnici Općine Novi Grad Sarajevo i Centralne izborne komisije Bosne i Hercegovine, nakon obilaska objekata u bivšoj kasarni „Safet Zajko“, utvrdili da su u ovom momentu objekti neuslovni i da nisu u funkciji, te čim se steknu uslovi Centralna izborna komisija Bosne i Hercegovine će pokrenuti aktivnosti vezane za useljenje u navedene prostorije.

Vezano za tender koji se odnosi na štampanja glasačkih listića, ističemo da je obavještenje o nabavci objavljeno u „Službenom glasiku BiH“ broj: 22/14 od 24.03.2014.godine, te da je Centralna izborna komisija Bosne i Hercegovine na sjednici održanoj 22.05.2014.godine donijela Odluku o dodjeli Okvirnog sporazuma za usluge štampanja i pakovanja glasačkih listića ponuđaču „Zrinski“ d.d. Čakovec, R.Hrvatska.

S poštovanjem,



Dostavljeno:

1. Naslovu
2. a/a

BOSNA I HERCEGOVINA  
CENTRALNA IZBORNA KOMISIJA  
SREDIŠNJE IZBORNO POVJERENSTVO



БОСНА И ХЕРЦЕГОВИНА  
ЦЕНТРАЛНА ИЗБОРНА КОМИСИЈА

Broj: 01-50-2-22-4/14  
Sarajevo, 19. lipanj 2014. godine  
(J.J.)

**KOLEGIJ ZASTUPNIČKOG DOMA PARLAMENTARNE SKUPŠTINE BiH**  
Faks: + 387 33 21 10 28

**KOLEGIJ DOMA NARODA PARLAMENTARNE SKUPŠTINE BiH**  
Faks: + 387 33 23 34 80

**VIJEĆA MINISTARA BiH**  
Faks: +387 (0)33 283 613

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 20.06.2014

Organizaciona jedinica	Klasifikaciona oznaka	Redni broj	Broj prijava
02-50-6		16-37	14

**PREDMET:** Informacija o dosadašnjim aktivnostima na rješavanju smještaja Centra za brojanje i skladištenje glasačkih listića Središnjeg izbornog povjerenstva BiH - dostavlja se,

U vezi delegatskog pitanja Genjac Halida, delegata u Domu naroda Parlamentarne skupštine Bosne i Hercegovine postavljenog na 37. sjednici Doma naroda Parlamentarne skupštine Bosne i Hercegovine održanoj 29.04.2014. godine, o tome „koji su razlozi da je Središnje izbornog povjerenstvo Bosne i Hercegovine odustalo od traženog i na besplatno korištenje dobijenog prostora u bivšoj kasarni „Safet Zajko“ za potrebe Glavnog centra za brojanje i skladištenje izbornog materijala,...“, na koje je Središnje izbornog povjerenstvo BiH odgovorilo 21.05.2014. godine (akt SIP BiH broj. 05-1-02-4-476/14) želimo da Vas izvjestimo o dosadašnjim aktivnostima na rješavanju smještaja Centra za brojanje i skladištenje glasačkih listića na jednoj od neperspektivnih vojnih lokacija.

Aktom Ministarstva odbrane/obrane BiH broj 04-03-27-1278/12 od 22.03.2012. godine Središnjem izbornom povjerenstvu BiH dostavljen je pregled neperspektivnih vojnih lokacija koje institucijama Bosne i Hercegovine stoje na raspolaganju za eventualni smještaj.

Središnje izbornog povjerenstvo BiH je aktom broj 01-50-2-369-2/12 od 28.03.2012. godine od Ministarstva odbrane/obrane BiH zatražilo uvid u stanje četiri lokacije:

1. Kasarna „Safet Zajko“, Sarajevo
2. Kasarna „Rajlovac inž. Bataljon“,
3. Kasarna „Enver Šehović, Vogošća, i
4. Kasarna „Šemso Baručija“.

Nakon obilaska navedenih lokacija (29.03.2012. godine) i uvida u njihovo stanje Središnje izbornog povjerenstvo BiH je svojim aktom broj 04-50-2-369-3/12 od 30.03.2012. godine dostavljenim Ministarstvu odbrane/obrane BiH iskazalo interes za jedan od dva neperspektivna objekta u kasarni „Safet Zajko“ u Sarajevu:

1. Objekat broj 38, ranija namjena – auto-park/m/v ili
2. Objekat broj 4, ranija namjena – tehnička radionica

koji bi se koristio za skladište i za Centar za brojanje glasačkih listića.

Dana, 08.05.2012. godine održan je sastanak sa predstavnicima Ministarstva odbrane/obrane BiH na kojem su izmjenjena stajališta o mogućnostima dodjele objekta za koji je iskazan interes. Predstavnici Ministarstva su istakli da se ne može vršiti cijepanje parcela kao ni dodjela pojedinačnih objekata na lokacijama, već cijele lokacije.

U vezi sa ovim saznanjima dana, 08.01.2014. godine smo uputili dopis Ministarstvu odbrane/obrane BiH (akt broj 01-50-2-22-1/14) sa molbom da razmotre mogućnost dodjele dijela neperspektivnih vojnih objekata za potrebe Središnjeg izbornog povjerenstva BiH.

Dana, 20.03.2014. godine informirani smo da je Vlada Federacije Bosne i Hercegovine na 104. sjednici održanoj 20.03.2014. godine donijela Odluku o davanju na privremeno korištenje kasarne „Safet Zajko“ općini Novi Grad Sarajevo V.broj 447/2014 od 20.03.2014. godine (akt Vlade Federacije BiH broj 01-07-244-3/14). Odluka je objavljena u Službenim novinama Federacije BiH broj 23/14 od 26.03.2014. godine. Ovom Odlukom se Općina Novi Grad Sarajevo zadužuje da pitanje smještaja Centra za brojanje glasačkih listića i skladištenje glasačkih listića Središnjeg izbornog povjerenstva BiH riješi u okviru dodjeljenije lokacije ili u sklopu objekta kojim raspolaže, a prije objave Općih izbora 2014. godine, bez naknade na period od pet godina.

Općina Novi Grad Sarajevo je dana, 25.03.2014. godine (akt broj 02-05-6954) Središnjem izbornom povjerenstvu BiH dostavila prijedlog za održavanje sastanka za rješavanje smještaja Centra za brojanje i skladištenje glasačkih listića SIP BiH.

U periodu od 01. 04. do 09.06. 2014. godine Središnje izborni povjerenstvo BiH je sa predstavnicima općine Novi Grad Sarajevo održalo nekoliko sastanaka i izvršilo obilazak predmetne lokacije. Dogovoreno je da se sačini sporazum kojima bi se definirali modaliteti suradnje.

S obzirom da od Ministarstva odbrane/obrane BiH do svibnja 2014. godine nismo dobili odgovore na naše prethodne dopise dana, 05.05.2014. godine smo ovom Ministarstvu poslali urgenciju (akt SIP BiH broj 01-50-2-22-2/14) na naš dopis od 08.01.2014. godine (akt SIP BiH broj 01-50-2-22-1/14) sa molbom da nam hitno odgovore u vezi s rješavanjem ovog pitanja.

Dana, 09.05.2014. godine Središnje izborni povjerenstvo BiH je zaprimilo dopis Ministarstva odbrane/obrane BiH (akt broj 11-03-27-1991/14) kao odgovor na akt SIP BiH broj 01-50-2-22-2/14 od 05.05.2014. godine u kojem podsjeća SIP BiH da u skladu sa Sporazumom broj 01-03-1657/07 od 12.07.2007. godine potpisanim između Vijeća ministara BiH i entitetskih Vlada, Ministarstvo odbrane/obrane BiH obavještava Vladu Federacije za dalje poduzimanje mjera i aktivnosti po pitanju primopredaje neperspektivne vojne imovine, a da je također imalo aktivnu ulogu i prilikom dodjele predmetne lokacije općini Novi Grad Sarajevo.

Dana, 13.06. 2014. godine Središnje izborni povjerenstvo BiH je od općine Novi Grad Sarajevo, putem emaila, zaprimilo prijedlog Ugovora o ustupanju na privremeno korištenje dva (2) objekta u

kasarni „Safet Zajko“ u Sarajevu na period od pet godina, bez naknade. Predmetni objekti uključuju:

- objekat A u kojem bi bio smješten „Centar za brojanje“ ukupne korisne površine cca 200 m<sup>2</sup>
- objekat B u kojem bi bilo smješten „Centar za skladištenje“ ukupne korisne površine cca 1000 m<sup>2</sup>.

Da bi Središnje izborno povjerenstvo BiH preuzelo spomenute objekte na privremeno korištenje potrebno je izvršiti njihovu adaptaciju, sanaciju i rekonstrukciju.

Obaveze Središnjeg izbornog povjerenstva BiH za Objekat A (gdje bi bio smješten „Centar za brojanje“ bi uključivale:

- da u suradnji sa općinom pripremi projektni zadatak za nivo adaptacije, sanacije i rekonstrukcije,
- po završetku radova izvrši opremanje objekta i
- obezbijedi zaštitu prostora nakon preuzimanja istog.

dok bi općina Novi Grad Sarajevo pripremila:

- predmjer i predračun,
- izvršila izbor izvođača radova po Zakonu o javnim nabavkama,
- obezbijedila stručno-tehnički nadzor nad izvođenjem radova,
- osigurala finansijska sredstva u iznosu do 40.000,00KM i
- do 15. augusta 2014. godine izvršila adaptaciju, sanaciju i rekonstrukciju objekta i predala ga SIP BiH.

Po pitanju objekta B (Centar za skladištenje) obaveze Središnjeg izbornog povjerenstva BiH bi bile:

- da u suradnji sa općinom pripremi projektni zadatak kojim će biti definiran nivo adaptacije, sanacije i rekonstrukcije dodjeljenog objekta,
- da obezbijedi dio finansijskih sredstava za adaptaciju objekta „Centar za skladištenje“,
- po završetku radova izvrši opremanje objekta i
- obezbijedi zaštitu prostora nakon preuzimanja istog.

Obaveze Općine Novi Grad Sarajevo bi uključivale:

- pripremu i predmjer radova,
- izbor izvođača po Zakonu o javnim nabavkama,
- osiguranje stručno-tehničkog nadzora nad izvođenjem radova i
- osiguranje dijela finansijskih sredstava.

Kako Središnje izborno povjerenstvo BiH u budžetu za 2014. godinu ne posjeduje finansijska sredstva za spomenutu namjenu realizacija ovog ugovora u dijelu koji se odnosi na Objekat B (Centar za skladištenje) je dovedena u pitanje.

Nadalje, želimo napomenuti da se Glavni centar za brojanje glasačkih listića uspostavlja svake dvije godine tj. u izbornoj godini na period od dva mjeseca i da je optimalna veličina korisnog prostora koja je neophodna za normalno funkcioniranje ovog centra oko 1100 m<sup>2</sup> uključujući i pripadajuću

infrastrukturu, što ponuđeni prostor „objekat A“ ukupne korisne površine cca 200 m<sup>2</sup> čini neadekvatnim za organizaciju Glavnog centra za brojanje.



- Dostaviti:
- svima u Naslovu
  - a/a